



盛唐彙詩卷第十一

四庫全書

長安郭
振華
詩話

新都

吳勉學

編輯

江昇如

校訂

五言古體

贈答

賜諸州刺史以題座右

玄宗

眷言思共理
鑑寢想維良
猗歟此推擇
聲績著周行
賢能既俟進
黎獻實佇康
視人當如子
愛人亦如傷
講學試誦論
阡陌勸耕桑
虛譽不可

飾清知不可忘求名迹易見安貞德自彰訟獄
必以情教民貴有常恤憫且存老撫弱復綏強
勉哉各祗命知予眷萬方

校獵義成喜逢大雪率題九韻以示羣

官

玄宗

孤矢威天下旌旗遊近縣一而施鳥羅三驅教
人戰暮雲成積雪曉色開行殿皓然原隰同不
覺林野變北風勇士馬東日華組練觸地銀麇
出連山縞鹿見月兔落高矰星狼下急箭旣欣

盈尺非復憶磻谿便歲豐將遇賢俱荷皇天眷

桐竹贈張燕公

李伯魚

北竹青桐北南桐綠竹南竹林君早愛桐樹我
初貪鳳棲桐不媿鳳食竹何慙棲食更如此餘
非鳳所堪

贈李十二白

崔宗之

涼風八九月白露空園庭耿耿意不暢捎捎風
葉聲思見雄俊士共話今古情李侯忽來儀把
袂苦不早清論旣抵掌玄談又絕倒分明楚漢

事歷歷王霸道擔囊無俗物訪古千里餘袖有
七首劒懷中茂陵書雙眸光照人詞賦凌子虛
酌酒弦素琴霜氣正凝潔平生心中事今日爲
君說我家有別業寄在嵩之陽明月出高岑清
谿澄素光雲散牕戶靜風吹松桂香子若同斯
遊千載不相忘

昇天行貽盧六健

儲光羲

真人居閭風時奏清商音聽者卽王母泠泠和
瑟瑟坐對三花枝行隨五雲陰天長崑崙小日

久蓬萊深上由玉華宮下視首陽岑神州亦清
淨要自有浮沈惻惻苦哉行呱呱遊子吟廬山
逢若士思欲化黃金雨雪沒太山誰能無歸心
逍遙在雲漢可以來相尋

上長史王公責躬

儲光羲

覆舟無伯夷覆居無仲尼自咎失明義寧由貝
錦詩松柏日已堅桃李日已滋顧已獨暗昧所
居成蒺藜大賢薦時文醜婦用蛾眉惕惕愧不
已豈敢論其私方朔既有言子建亦有詩惻隱

及先世析薪成自悲靈鳥酬德輝黃雀報仁慈
若公庶伏罪此事安能遲

貽王侍御出臺掾丹陽

儲光羲

高高琅琊臺臺下生箇籟照車十二乘光彩不
足踰旣當少微星復隱高山霧金丘華陽下仙
伯養晦處茅茨對三峰梧桐開一路神谿繞臯
陸樵牧自成趣時登青冥遊若從天江度墟里
獻薇蕨羣公致衣縷深沈復清淨偃仰視太素
猛獸識賓僕頽霞知早暮峨峨雲龍開忽有方

伯遇達人無不可壯士且馳驚融泄長離鳴續
紛大鵬翥赤墀高崩劣一見如三顧禮服正邦
祀刑冠肅王度三辰明昭代光啓玄元祚章臺
收杞梓太液滿鷓鷯豐澤耀純仁八方晏黔庶
沈沈閭闔起殷殷蓬萊曙旌戟儼成行雞人傳
發煦翔翼一如鷄百辟莫不懼清廟奉蒸嘗靈
山扈鑿輅天街時蹴踟直指燕桂桓四月純陽
初雷雨始奮豫逆星教皇極鐵鎖靜天步艷鎬
舒曜靈干戈藏武庫析檠增廣運直道有好惡

迴跡清憲臺傳騎東南去列城異疇昔近餞寡
徒御纏綿西關道婉孌新豐樹伊洛不敢息淮
河任沿泝鄉亭茱萸津先後非疏附炎時方怵
惕有若踐霜露惆悵長岑長寂寞梁王傳紛吾
家延州結友在童孺岑陽沐天德邦邑持民霧
躑躅望朝陰如何復淪誤牙曠三千里擊轅非
所慕秋濤聯滄溟舟楫湊北固江汜日綿眇朝
夕空寐寤中洞松枯新東臯阡陌故餘輝方焜
耀可以歡邑聚南華在濠上誰辨魏王瓠登陟

芙蓉樓爲我時一賦

獄中貽姚張薛李鄭柳諸公

儲光羲

直道時莫親起羞見讒口輿人是非怪西子言
有咎誣善不足悲失聽一何醜大來敢遐望小
往且虛受中夜囹圄深初秋縲繼久踈螢出暗
草朔風鳴衰柳河漢低在戶鱗蛸垂向牖鴈聲
遠天末涼氣生霽後負戶愁讀書劍光忿衝斗
哀哀害神理惻惻傷慈母妻子垂涕泣家僮日

奔走書詞苦人吏饋食勞交友寒服猶未成繁
霜漸將厚吉凶問詹尹倚伏信北叟鬼哭知己
冤鳥言誠所誘諸公深惠愛朝夕相左右束濕
雖欲操釣金庶無負傷羅念搖翩跹足思驥首
瑾瑜頗匿瑕邦國方含垢眷言出深窞永日常
携手

尚書省受誓誠貽大廟裴丞 儲光羲

皇家有恒憲齋祭宗明祀嚴車伊洛間受誓文
昌裏沈沈雲閣見稍稍城烏起曙色照衣冠虛

庭鳴劍履徘徊念私覲悵望臨清汜點翰欲何
言相思從此始

貽丁主簿仙芝別 儲光羲

赫赫明天子翹翹羣秀才昭昭皇宇廣隱隱雲
門開搖曳君初起聯翩予復來茲年不得意相
命遊靈臺驂騑多逸氣琳琅有清響聯行擊水
飛獨影凌虛上關河施芳聽江海徼新賞歛衽
歸故山敷言播天壤雲峯雖有異楚越幸相親
既別復遊處道深情更殷下愚忝聞見上德猶

邈迤偃仰東城曲棲遲依水濱脫巾從會府結
綬歸海裔親知送河門邦族迎江滙夫子安恬
淡他人悵迢遞飛艤旣眇然洲渚徒虧蔽人謀
固無準天德諒難知高名處下位逸翮棲卑枝
去去水中沚搖搖天一涯蓬壺不可見來泛躍
龍池

貽鼓吹李丞

儲光羲

北伐昧天造王師示有征轅門統元律帝室命
宗英靈威方首事伏越按邊城膏雨被春草黃

雲浮太清文儒託後乘武旅趨前旌出車發西
洛營軍臨北平日予深固陋志氣頗縱橫嘗思
驃騎幕願逐嫖姚兵惟賢美無度海內依揚聲
河間舊相許車騎日逢迎折節下謀士深心論
客卿忠言雖未列席以知君誠

貽表三拾遺謫作

儲光羲

傾蓋洛之濱依然心事親龍門何以峻曾是好
詞人珥筆朝丹陛含章諷紫宸帝城多壯觀被
服長如春天子儉爲德而能清約身公卿盡虛

位天子自趣塵

望美令德聲何已高帝

黜儒生文皇謫才子朝廷非不盛謫謫良難恃
路出大江陰川行碧峰裏斯言徒自玷白玉豈
爲滓希聲盡衆人深識惟知已知已怨生離悠
悠天一涯寸心因夢斷孤憤爲年移花滿芙蓉
闕春深朝夕池空令千萬里長望白雲垂

貽王處士子文

儲光羲

春草生洞渚春風入上林春臯有黃鶴撫翮未
傷音王屋嘗嘉遯伊川復陸沈張弦鷓雞弄閑

室蓬蒿深避地歌三樂遊山賦九吟大君思左
石無乃化黃金

貽閻處士防卜居終南

儲光羲

春風搖雜樹言別還江汜堅氷生綠潭又客三
千里兆夢唯顏色懸情乃文史滌耳貴清言披
歡遲玉趾秦城疑舊廬佇立問焉如稚子跪而
說還山將隱居竹林旣深遠松宇復清虛跡迴
事多逸心安趣有餘石門動高韻草堂新著書
鸞飛久超絕蹇足空躊躇猶有昔時意望君當

照車驅車當六國何以須潛默聖主常徵賢羣
公每舉德此時方獨往身志將何欲願謝山中
人迴車首歸躅

獻八舅東歸

儲光義

高位莫能捨捨之世所賢雲車遊日華豈比龍
樓前寢席乃就枕情感惟靈仙帝鴻師道宗臣
彭亦長年天書加羽服又許歸東川鏡水涵太
清禹山朝上玄誠二真混沌玉立方嬋娟素業
作仙居子孫當自傳門多松柏樹篋有逍遙篇

獨往不可羣滄海成桑田

山中貽崔六琪華

儲光義

恍惚登高嶺徘徊看落日遙想仲長園如親幼
安室春渚菖蒲登山中撥穀鳴相思不道遠太
息未知情意君來此地時復踈林薄中夜掃衡
門迎晨閉菌閣屣履清池上家僮奉信歸憂隨
落光散目送歸雲飛故交在天末新知復千里
無人暫往來獨作中林士

貽余處士

儲光義

故園至新浦遙復未百里北望是他邦紛吾卽
遊士潮來津門啓罷楫信流水客意乃成歡舟
人亦相喜遲遲菱荇上泛泛菰蒲裏漸聞商旅
喧猶見鳧鷖起市亭忽雲構方物如山峙吾王
昔喪元隋帝又滅祀停鱸一以眺太息興亡理
秋苑故池田宮門新柳杞我行苦炎月乃及清
昊始此地日逢迎終思隱君子莫言異卷舒形
音在心耳

山居貽裴十二迪

儲光羲

落葉滿山砌蒼煙埋竹扉遠懷青冥士書劔常
相依霜卧眇茲地琴言紛已違衡陽今萬里南
鴈將何歸出徑惜松引入舟憐釣磯西林有明
月夜久空微微

秋庭貽馬九

并序

儲光羲

扶風馬挺余之元伯也舍人諸昆知已之目
挺充鄭鄉之賦予乃貽此詩

伊昔好觀國自鄉西入秦往復萬餘里相逢皆
衆人大君幸東岳世哲扈時巡予亦從此去閑

居清洛濱稍稍寒木直彩彩陽華新迭宕孔文
舉風流石季倫妙年一相得白首定相親重此
虛賓館歡言冬及春哲兄盛文史出入馳高軌
令德本同人深心重知己絳衣朝聖主紗帳延
才子伯淮與季江清澹孤峙羣方趨汎愛萬
物通情理而我信空虛提携過杞梓夫君美聲
德直道期終始孰謂忽離居優游鄭東里東里
近王城山連路亦平何言相去遠閒言獨淒清
萬里鴻鴈度四鄰砧杵鳴其如久離別重以霜

風驚

安宜園林獻高使君

儲光羲

直道已三出幸從江上迴新居茅茨迴起見秋
雲開十年次舟楫二橋交往來楚言滿鄰里鴈
叫喧池臺魚鼈樂仁政沈浮亦至哉小山宜大
隱要自望蓬萊

河中望鳥灘作貽呂四郎中 儲光羲

河流有深曲舟子莫能知弭棹臨沙嶼微吟西
日馳平明春色霽兩岸好風吹去去川途盡悠

悠親友離漢宮成羽翼伊水弄參差爲惜淮南
子如何攀桂枝

奉和韋判官獻侍郎叔除河南采訪使

儲光羲

天卿小冢宰道大名亦大醜正在權臣建旟千
里外楚山俯江漢汴水連譙沛兩持方伯珪再
轉諸侯蓋恬淡輕黜陟優游逸千載乾象變台
衡群賢盡交泰聿來股肱郡河嶽卽襟帶盛德
滋冀方仁風清汾澮四封畫高足相府輶車最

超超青雲器婉婉竹林會賤士敢知言成頌文
明代燕雀依大廈期之保貞悔

洛中貽朝校書衡

儲光羲

萬國朝天中東隅道最長朝生美無度高駕仕
春坊出入蓬山裏逍遙伊水傍伯鸞遊太學中
夜一相望落日懸高殿秋風入洞房屢言相去
遠不覺生朝光

華陰作貽祖三詠

儲光羲

朝行敷水上暮出華山東高館宿初靜長亭秋

轉空日餘久淪汨重此聞霜風析歷入谿樹颺
颺驚夕鴻悽然望伊洛如見息陽宮舊識無高
位新知盡固窮夫君獨輕舉遠近善文雄豈念
千里駕崎嶇秦塞中

新豐作貽殷四校書

儲光羲

漢皇思舊邑秦地作新豐南出華陽路西分長
樂宮安知天地久不與昔年同雞犬暮聲合城
池秋霽空紛吾從此去望極咸陽中不見芸香
閣徒思文雅雄

晚次東亭獻鄭州宋使君文

儲光羲

自初賓上國乃到鄒人鄉曾點與曾子俱升闕
里堂武皇恢大略逸翮思寥廓三居清憲臺兩
拜文昌閣爲道旣貞信處名猶蹇諤鐵柱勵風
威錦軸含光輝夜聞持簡立朝看伏奏歸洞門
清珮響廣路玉珂飛驥首入丹掖搏空趨太微
綵綸逢聖主出入飄華組愔愔宿帝梧侃侃居
文府海內語三獨朝端謀六戶善計在弘羊清

嚴歸仲舉侍郎跨方朔中丞茂周處天眷擇循
良惟賢降寵章分符指聊攝爲政本農桑籍籍
歌五袴祁祁頌千箱隨車微雨灑逐扇清風颺
旣以遷列國復茲鄰帝鄉褰帷乃仍舊坐嘯非
更張居敬物無擾履端人自康薄遊出京邑引
領東南望林晚鳥雀噪田秋稼穡黃成臯天地
險廣武征戰場道喪苦兵賦時來開井疆霏霏
渠門色晻晻制巖光徒念京索近猶悲溱洧長
大明潛照耀淑慝自昭彰昔歲幸西土今茲歸

洛陽同焉知鄭伯當輔我周王

泊舟貽潘少府

儲光羲

行子苦風潮維舟未能發宵分卷前幔卧視清
秋月四澤葭蒿深中州煙火絕蒼蒼水霧起落
落踈星沒所遇盡漁商與言多楚越其如念極
浦又以思明哲常若千里餘况之異鄉別

終南幽居獻蘇侍郎三首 儲光羲

暮春天氣和登嶺望層城朝日懸清景巍峩官
殿明聖君常臨朝達士復懸衡道近無良足歸

來卧山楹靈塔曝仙書深室鍊金英春巖松柏
秀晨路鷓雞鳴羽化既有言無然悲不成

又

中歲尚微道始知將谷神抗策還南山水木自
相親深林開一道青嶂成四鄰平明去采薇日
入行刈薪雲歸萬壑暗雪罷千巖春始看玄鳥
來已見瑤華新寄言搢芳者無乃後時人

又

卜築青巖裏雲蘿四垂陰虛室若無人喬木自

成林時有清風至側聞樵采音鳳皇鳴南岡望
望隔層岑旣言山路遠復道谿流深俛佷空中
遊虬龍水間吟何當見輕翼爲我達遠心

秦中初霽獻給事二首

儲光羲

渭水收暮雨處處多新澤宮苑傍山明雲林帶
天碧君子聳高駕英聲邈今昔鏘珮出中臺影
纓入仙掖夙心幸清鑒晚志欣良覲鳴盜非足
徵願言同下客

又

南國又爲思西都當作賓雲開天地色日照山
河春善聽在知己揚光唯達人妙年弄柔翰弱
冠偶良辰擢第文昌閣還家滄海濱寸心何所
望東掖有賢臣

至閑居精舍呈正上人

儲光羲

太室三招提其趣皆不同不同非一趣况是天
遊宮雙嶺前夾門閣道復橫空寶坊若花積苑
轉不可窮流泉自成池青松信饒風秋晏景氣
迴晶明丹素功近將隱者鄰遠與西山通大師
假慧照念以息微躬

貽崔太祝

儲光羲

天都分禮閣肅肅臨清渠春山照前屏高槐蔭
內除惟賢尚廩祿弟去兄來居文雅更驥首風
流信有餘中年幸從事乃遇兩吹噓何以知君
子交情復淡如

貽韋鍊師

儲光羲

精思莫知日意靜如空虛三鳥自來去九光遙
卷舒新池近天井玉宇停雲車余亦苦山路洗

心所道書

盛唐彙詩卷第十一

四唐彙詩八十一

盛唐彙詩卷第十二

四唐彙詩八十二

新都 吳勉學 編輯

陸麇祥 校訂

五言古體

贈答

獻始興公

王維

寧棲野樹林寧飲澗水流不用坐梁肉崎嶇見
王侯鄙哉匹夫節布褐將白頭任智誠則短守
仁固其優側聞大君子安問黨與讐所不賣公

器動爲蒼生謀賤子跪自陳可爲帳下不感激
有公議曲私非所求

贈房盧氏瑄

王維

達人無不可忘已愛蒼生豈復少十室絃歌在
兩楹浮人日已歸但坐事農耕桑榆鬱相望邑
里多雞鳴秋山一何淨蒼翠臨寒城視事兼偃
臥對書不簪纓蕭條人吏踈鳥雀下空庭鄙夫
心所尚晚節異平生將從海岳居守靜解天刑
或可累安邑茅茨君試營

贈祖三詠

王維

蟪蛄挂虛牖蟋蟀鳴前除歲晏涼風至君子復
何如高館閒無人離居不可道閑門寂已閉落
日照秋草雖有近音信千里阻河關中復客汝
潁去年歸舊山結交二十載不得一日展貧病
子旣深契濶余不淺仲秋雖未歸暮秋以爲期
良會詎幾日終日長相思

贈劉藍田

一作盧象詩

王維

籬間犬迎吠出屋候荆扉歲晏輸井稅山村人

夜歸晚田始家食餘布成我衣詎肯無公事煩
君問是非

贈李頎

王維

聞君餌丹砂甚有好顏色不知從今去幾時生
羽翼王母翳華芝望爾崑崙側文螭從赤豹萬
里方一息悲哉世上人甘此羶腥食

座上走筆贈薛璩慕容損

王維

希世無高節絕跡有卑棲君徒視人文吾固和
天倪緬然萬物始及與羣牧齊分地依后稷用

天信重黎春風何豫人令我思東谿草色有佳
意花枝稍含蕙更待風景好與君藉萋萋

贈裴迪

王維

不相見不相見來久日日泉水頭常憶同攜手
攜手本同心復歎忽分襟相憶今如此相思深
不深

贈裴十迪

王維

風景日夕佳與君賦新詩澹然望遠空如意方
支頤春風動百草蘭蕙生我籬曖曖日煖閨田

家來致詞欣欣春還臯淡淡水生陂桃李雖未
開萸萸滿芳枝請君理還策敢告將農時

贈從弟司庫員外綽

王維

少年識事淺強學干名利徒聞躍馬年苦無出
人智卽事豈徒言累官非不試旣寡遂性歡恐
招負時累清冬見遠山積雪凝蒼翠浩然出東
林發我遺世意惠連素清賞夙語塵外事欲緩
攜手期流年一何駛

戲贈張五弟諶三首

王維

吾弟東山時心尚一何遠日高猶自臥鍾動始
能飯領上髮未梳牀頭書不卷清川興悠悠空
林對偃蹇青苔石上淨細草松下軟牕外鳥聲
閑階前虎心善徒然萬象多澹爾太虛緬一知
與物平自顧爲人淺對君忽自得浮念不煩遣

又

張弟五車書讀書仍隱居染翰過草聖賦詩輕
子虛閉門二室下隱居十年餘宛是野人野時
從漁父漁秋風自蕭索五柳高且踈望此去人

世渡水向吾廬歲晏同攜手只應君與予

又

設置守甕兔垂釣同遊鱗此是安口腹非關慕
隱淪吾生好清淨蔬食去情塵今子方豪蕩思
爲鼎食人我家南山下動息自遺身入鳥不相
亂見獸皆相親雲霞成伴侶虛白侍衣巾何事
須夫子邀予谷口真

春夜竹亭贈錢少府歸藍田

王維

夜靜羣動息時聞隔林犬却憶山中時人家澗
西遠羨君明發去采蕨輕軒冕

胡居士臥病遺米因贈
王維

了觀四大因根性何所有妄計苟不生是身孰
休咎色聲何謂客陰界復誰守徒言蓮花日豈
惡揚枝肘旣飽香積飯不醉聲聞酒有無斷常
見生滅幻夢受卽病卽實相趨空定狂走無有
一法真無有一法垢居士素通達隨空善抖擻
牀上無氈臥鍋中有粥否齋時不乞食定應空

澆口聊持數斗米且救浮生取

丁寓田家有贈

王維

君心尚棲隱久欲傍歸路在朝每爲言解印果
成趣晨雞鳴鄰里羣動從所務農夫行餉田閨
妾起縫素開軒御衣服散帙理章句時吟招隱
詩或製閑居賦新晴望郊郭日映桑榆暮陰盡
小苑城微明渭川樹揆予宅間井幽賞何由屢
道存終不忘迹異難相遇此時惜離別再來芳
菲度

書懷貽京邑同好

孟浩然

維先自鄒魯家世重儒風詩禮襲遺訓趨庭霑
末躬晝夜常自強詞翰頗亦工三十旣成立嗟
吁命不通慈親向羸老喜懼在深衷甘脆朝不
足簞瓢夕屢空執鞭慕夫子捧檄懷毛公感激
遂彈冠安能守固窮當途訴知己投刺匪求蒙
秦楚邈離異翻飛何日同

疾愈過龍泉寺精舍呈易業二公

孟浩然

停午聞山鐘起行散愁疾尋林采芝去谷轉松
翠密傍見精舍開長廊飯僧畢石渠流雪水金
子耀霜橘竹房思舊遊過憇終永日入洞窺石
髓傍崖采蜂蜜日暮辭遠公虎谿相送出

登江中孤嶼贈白雲先生王迴

孟浩然

悠悠清江水水落沙嶼出迴潭石下深綠篠岸
傍密鮫人潛不見漁父歌自逸憶與君別時泛
舟如昨日夕陽開返照中坐興非一南望鹿門

山歸來恨如失

從張丞相遊南紀城獵戲贈裴迪張參
軍

孟浩然

從禽非吾樂不好雲夢田歲暮登城望偏令鄉
思懸公卿有幾幾車騎何翩翩世祿金張貴官
曹幕府賢順時行殺氣飛刃爭割鮮十里屈賓
館徵聲匝妓筵高標迴落日平楚散芳烟何意
狂歌客從公亦在旃

還山貽湛法師

孟浩然

幻聞無生理常欲觀此身心跡罕兼遂嶮崎多
在塵晚途歸舊壑偶與支公鄰導以微妙法結
爲清淨因煩惱業頓捨山林情轉殷朝來問疑
義夕話得清真墨妙稱古絕詞華驚世人禪房
閉虛靜花藥連冬春平石藉琴硯落泉灑衣巾
欲知冥滅意朝夕海鷗馴

贈史昭

王昌齡

東林月未升廓落星與漢是夕鴻始來齋中起
長歎懷哉望南浦眇然夜將半但有秋水聲愁
使心神亂握中何爲贈瑤草已衰散海鱗未化
時各在天一岸

鄭縣宿陶太公館中贈馮六元二

王昌齡

儒有輕王侯脫略當世務本家藍田下非爲漁
弋故無何因躬耕且欲馳永路幽居與君近出
谷同所鶩昨日辭石門五年變秋露雲龍未相
感干謁亦已屢子爲黃綬羈余忝蓬山顧京門
望西嶽百里見郊樹飛雨祠上來靄然關中暮

驅車鄭城宿秉燭論往素山月出華陰開此河
渚霧清光比故人豁達展心晤馮公尚戢翼元
子仍跼步拂衣易爲高淪跡難有趣張范善終
始吾等豈不慕罷酒當涼風屈伸備冥數

綏氏尉沈興宗置酒南谿畱贈

王昌齡

林色與谿古深篁引幽翠山樽在漁舟棹月情
已醉始窮清源口壑絕人境異春泉滴空崖萌
草折陰地久之風榛寂遠聞樵聲至海鴈時獨

飛永然滄洲意古時青冥客滅跡淪一尉吾子
躊躇心豈其紛埃事綏峰信所尅濟北餘乃遂
齊物意已會息肩理猶未卷舒形性表脫略賢
哲議仲月期角巾飯僧嵩陽寺

聽彈風入松闕贈楊補闕 王昌齡

商風入我絃夜竹深有露絃悲與林寂清景不
可度寥落幽居心颼颼青松樹松風吹草白谿
水寒日暮聲意去復還九變待一顧空山多雨
雪獨立君始悟

爲張儂贈閩使臣

王昌齡

哀哀獻玉人楚國同悲辛
泣盡繼以血何由辨
其真賴承琢磨惠復使
光輝新猶畏讒口疾棄
之如埃塵

贈房待御

陶翰

志士固不羈與道常周旋
進則天下仰已之能
晏然褐衣東府召執簡
南臺先雄義每特立犯
顏豈圖全謫居東南遠
逸氣吟芳荃適會寥廓
趣清波更寅緣扁舟入
五湖發纜洞庭前浩蕩

臨海曲迢遙濟江壖徵奇
忽忘返遇興將彌年
乃悟范生智足明漁父
賢郡臨新安渚佳氣此
城偏日夕對層岫雲霞
映晴川閑居戀秋色偃
臥含貞堅倚伏自相化
行藏互推遷君其振羽
翮歲晏將冲天

贈鄭員外

陶翰

驄馬拂繡裳按兵遼水陽
西分鴈門騎北逐樓
煩王聞道五軍集相邀
百戰場風沙暗天起虜
騎森已行儒服揖諸將
雄謀吞八荒金門來見

謁朱紱生輝光數載侍御史稍遷尚書郎人生
志氣立所貴功業昌何必守章句終年事蒼黃
同時獻賦客尚在東陵傍

望太華贈盧司倉

陶翰

行吏到西華乃觀三峰壯削成元氣中傑出天
河上如有飛動色不知青冥狀巨靈安在哉厥
跡猶可望方此顧行旅末由飭仙裝葱蘢記星
壇明滅數雲嶂良友垂真契宿心所徼尚敢投
歸山吟霞徑一相訪

贈程秘書

盧象

客自岐陽來吐音若鳴鳳孤飛良不偶獨立誰
見用忽從被褐中召入承明宮聖人借顏色言
事無不通殷勤拯黎庶感激論諸公將相猜賈
誼圖書歸馬融顧余久寂寞一歲麒麟閣且共
歌太平勿嗟名宦薄

效古贈崔二

高適

十月河洲時一看有歸思風飈生慘烈雨雪暗
天地我輩今胡為浩哉迷所至緬懷當塗者濟

濟居聲位邈然在雲霄寧肯更淪躓周旋多燕
樂門館列車騎美人芙蓉姿狹室蘭麝氣金鑪
陳獸炭談笑正得意豈論草澤中有此枯槁士
我慙經濟策久欲甘棄置君負縱橫才如何尚
顛顛長歌增鬱快對酒不能醉窮達自有時夫
子莫下淚

單父逢鄧司倉覆倉庫因而有贈

高適

邦牧今坐嘯羣賢趨紀綱四人忽不擾耕者遙

相望粲粲府中妙授詞如履霜炎炎伏熱時草
木無晶光匹馬度睢水清風何激揚校緡閱帑
藏發廩欣斯箱邂逅得相逢歡言至夕陽開襟
自公餘載酒登琴堂舉杯挹山川寓目窮毫芒
白鳥向田盡青蟬歸路長醉中不惜別况乃正
遊梁

薊門不遇王之渙郭密之因以畱贈

高適

適遠登薊丘茲晨獨搔屑賢交不可見吾願終

難說迢遞千里遊羈離十年別才華仰清興功
業嗟芳節曠蕩阻雲海蕭條帶風雪逢時事多
謬失路心彌折行矣勿重陳懷君但愁絕

鉅鹿贈李少府

高適

李侯雖薄宦時譽何籍籍駿馬常借人黃金每
畱客投壺華館靜縱酒涼風夕卽此遇神仙吾
欣知損益

東平畱贈狄司馬

高適

古人無宿諾茲道以爲難萬里赴知己一言誠

可歎馬啼經月窟劍術指樓蘭地出北庭盡城
臨西海寒森然瞻武庫則是弄儒翰入幕綰銀
綬乘軺兼鐵冠練兵日精銳殺敵無遺殘獻捷
見天子輪功俘可汗激昂丹墀下顧盼青雲端
誰謂縱橫策翻爲權勢干將軍旣坎壈使者亦
辛酸耿介挹三事羈離從一官知君不得意他
日會鵬搏

過盧明府有贈

高適

良吏不易得古人今可傳靜然本諸已以此知

其賢我行挹高風羨爾兼明年曾懷豁清夜史
漢如流泉明日復行春逶迤出郊壇登高見百
里桑野鬱芊芊時平俯鵲巢歲熟多人煙奸猾
唯閉戶逃亡歸種田迴軒自郭南老幼滿馬前
皆賀蠶農至而無徭役牽君觀黎庶心撫之誠
萬全何幸逢大道願言烹小鮮能奏明廷主一
試武城絃

同羣公宿開善寺贈陳十六所居

高適

駕車出人境避暑投僧家徘徊龍象側始見香
林花讀書不及經飲酒不勝茶知君悟此道所
未搜袈裟談空忘外物持誠破諸邪則是無心
地相看唯月華

古遊俠呈軍中諸將

崔顥

少年負膽氣好勇復知機杖劍出門去孤城逢
合圍殺人遼水上走馬漁陽歸錯落金鑲甲蒙
茸貂鼠衣還家行且獵弓矢速如飛地迴鷹犬
疾草深狐兔肥腰間帶兩綬轉眄生光輝顧謂

今日戰何如隨建威

傷懷贈故人

孟雲卿

稍稍晨鳥翔浙浙
草上霜人生早罹苦
壽命恐不長二十學
已成三十名不彰豈
無同門友貴賤易中
腸驅馬行萬里悠悠
過帝鄉幸因絃歌未
得上君子堂衆樂互
喧奏獨子備笙簧坐
中無知音安得神揚
揚願因高風起上感
白日光

贈王威古

崔顥

三十羽林將出身常事邊
春風吹淺草獵騎何

翩翩插羽兩相顧
鳴弓新上弦射麋入深谷
飲馬投荒泉馬上共傾酒
野中聊割鮮相看未及
飲雜虜寇幽燕烽火去不
息胡塵高際天長驅救
東北戰解城亦全報國
行赴難古來皆其然

贈輕車

崔顥

悠悠遠行歸經春涉長道
幽冀桑始青洛陽蠶欲老
憶昨戎馬地別時心草草
烽火從北來邊城閉常早
平生少相遇未得展懷抱
今日杯酒間見君交情好

贈懷一上人

崔顥

法師東南秀世實豪家子削髮十二年誦經峨眉裏自此照羣蒙卓然爲道雄觀生盡入妄悟有皆成空淨體無衆染苦心歸妙宗一朝勅書至召入承明宮說法金殿裏焚香清禁中傳燈遍都邑杖錫遊王公天子揖妙道羣僚趨下風我法本無着時來出林壑因心得化城隨病皆與藥上啟黃屋心下除蒼生縛一從入君門說法無朝昏帝作轉輪主師爲持戒尊軒風灑甘露

露佛雨生慈根但有滅度理而生開濟恩復聞江海曲好殺成風俗帝曰我上人爲除羶腥欲是日發西秦東南至蘄春風將衡桂接地與吳楚鄰舊少清信士寔多漁獵人一聞吾師至捨網江湖濱作禮懺前惡潔誠期後因因成日旣久事濟身不守更出淮楚間復來荆河口荆河馬卿岑茲地近道林入講鳥常狎坐禪獸不侵都非緣未盡曾是教所任故我一來事永承微妙音竹房見衣鉢松宇清身心早悔業至淺晚

成計可尋善哉遠公義清淨如黃金

贈三侍御

常建

高山臨大澤正月蘆花乾陽色薰兩崖不改青
松寒士賢守孤貞古來皆共難明君錯任才臺
上飛三鸞操與霜雪明量與江海寬束身視天
涯安能窮波瀾孤鶴在枳棘一枝非所安逸翮
望絕霄見欲凌雲端層臺何其高山石流洪湍
固知非天池鳴躍同所歡誰念獨枯槁四十長
江干責躬貴知已効拙從一官折翮悲高風苦

饑候朝餐湖月映大海天空何漫漫托身未知
所謀道庶不刊吟彼喬木詩一夕常三歎

客有自燕而歸哀其老而贈之

常建

羸馬朝自燕一身爲二連憶親拜孤塚移葬雙
陵前幽願從此畢劍心因獲全孟冬寒氣盛撫
轡告言旋碣石海北門餘寇惟朝鮮離離一寒
騎嫋嫋馳白天生別皆自取况爲士卒先寸心
漁陽興落日旌竿懸

盛唐彙詩卷第十二

四唐彙詩十二

答自燕而歸京其家而餞之

前賦

盛唐彙詩卷第十三

四唐彙詩八十三

新都 吳勉學 編輯

陸麀祥 校訂

五言古體

贈答

北庭西郊候封大夫受降回軍獻上

胡地首着美輪臺征馬肥大夫討匈奴前月西

出師甲兵未得戰降虜來如歸橐駝何連連穹

帳亦纍纍陰山烽火滅劍水羽書稀却笑霍嫖
姚區區徒爾爲西郊候中軍平沙懸落暉驛馬
從西來雙節夾路馳喜鵲捧金印蛟龍盤畫旗
如公未四十富貴能及時直上排青雲傍看疾
若飛前年斬樓蘭去歲平月支天子日殊寵朝
廷方見推何幸一書生忽蒙國士知側身佐戎
幕斂衽事邊陲自逐定遠侯亦着短後衣近來
能走馬不弱并州兒

使交河郡郡在火山脚其地苦熱無雨

雪獻封大夫

岑參

奉使按胡俗平明發輪臺暮投交河城火山赤
崔嵬九月尚流汗炎風吹沙埃何事陰陽工不
遣雨雪來吾君方憂邊分闡資大才昨者新破
胡安西兵馬回鐵關控天涯萬里何遠哉煙塵
不敢飛白草空皚皚軍中日無事醉舞傾金壘
漢代李將軍微功合可哈

梁州對雨懷翹二秀才便呈翹大判官
時疾贈余新詩

岑參

江上雲氣黑崑山昨夜雷水惡平明飛雨從崑
冢來濛濛隨風過蕭颯鳴庭槐隔簾濕衣巾當
暑涼幽齋翹生住相近言語阻且乖臥疾不見
人午時門始開終日看本草藥苗滿前堦兄弟
早有名甲科皆秀才二人事慈母不弱古老萊
昨歎攜手遲未盡平生懷愛君有佳句一日吟
幾迴

秋夜宿仙遊寺南涼堂呈謙道人

岑參

太乙連太白兩山知幾重路盤石門窄匹馬行
才通日西到山寺林下逢支公昨夜山北時星
星聞此鐘秦女去已久仙臺在中峰簫聲不可
聞此地畱遺蹤石潭積黛色每歲投金龍亂流
爭迅湍噴薄如雷風夜來聞清磬月出蒼山空
空山滿清光水榭相玲瓏迴廊映密竹秋殿隱
深松燈影落前谿夜宿水聲中愛茲林巒好結
宇向谿東相識唯山僧鄰家一釣翁林晚栗初
拆枝寒梨已紅物幽興易愜事勝趣彌濃願謝

區中緣永依金人宮寄報乘輦客簪裾爾何容
陪狄員外早秋登府西樓因呈院中諸

公

岑參

常愛張儀樓西山正相當千峰帶積雪百里臨
城墻煙氛掃晴空草樹映朝光車馬隘百井里
閉盤二江亞相自登壇時危安此方威聲振蠻
貊惠化鍾華陽旌節羅廣庭戈鋌凜秋霜階下
貔虎士幕中鵠鷺行今我忽登臨顧恩不望鄉
知己猶未報鬢毛颯已蒼時命難自知功業豈

暫忘蟬鳴秋城夕鳥去江天長兵馬休戰爭風
塵尚蒼茫誰當共攜手賴有冬官郎

過梁州奉贈張尚書大夫公 岑參

漢中二良將今管各一時韓信此登壇尚書復
來斯手把銅虎符身總丈人師鎔落北斗星照
耀黑水湄英雄若神授大材濟時危頃歲遇雷
雲精神感靈祇勲業振青史恩德繼鴻私羌虜
管未平華陽積僵屍人煙絕墟落鬼火依城池
巴漢空水流褒斜惟鳥飛自公布德政此地生

光輝百堵創里閭于家恤惇嫠層城重鼓角甲
士如熊羆坐嘯風自調行春雨仍隨芄芄麥苗
長藹藹桑葉肥浮客相與來群盜不敢窺何幸
承嘉惠小年卽相知富貴情易踈相逢心不移
置酒宴高館嬌歌雜青絲錦席繡拂廬玉盤金
屈卮春景透高戟江雲篲長麾捩馬嘶柳陰美
人映花枝門傳大夫印世擁上將旗承家令名
揚許國苦節施戎幕寧久駐台階不應遲別有
彈冠士希君無見遺

登北庭北樓呈幕中諸公 岑參

嘗讀西域傳漢家得輪臺古塞千年空陰山獨
崔嵬二庭近西海六月秋風來日暮上北樓殺
氣疑不開大荒無鳥飛但見白龍堆舊國眇天
末歸心日悠哉上將新破胡西郊絕煙埃邊城
寂無事撫劍空徘徊幸得趨幕中託身廁群才
早知安邊計未盡平生懷

初過隴山途中呈宇文判官 岑參

一驛過一驛驛騎如星流平明發咸陽暮及隴

山頭隴水不可聽，嗚咽令人愁。沙塵撲馬汗霧
露凝，貂裘西來誰家子。自道新封侯，前月發安
西路上，無停畱。都護猶未到，來時在西州。十日
過沙磧，終朝風不休。馬走碎石中，四蹄皆血流。
萬里奉王事，一身無所求。也知塞垣苦，豈爲妻
子謀。山口月欲出，先照關城樓。谿流與松風，靜
夜相颼颼。別家賴歸夢，山寨多離憂。與子且攜
手，不愁前路修。

初至西虢官舍南池呈左右省及南宮

諸故人

岑參

黜官自西掖待罪，臨下陽空積犬馬。戀豈思鵠
鷺行，素多江湖意。偶佐山水鄉，滿院池月靜。捲
簾谿雨涼，軒牕竹翠濕。案牘荷花香，白鳥上衣
桁。青苔生筆牀，數公不可見。一別盡相忘，敢恨
青瑣客無情。華省郎早年，迷進退。晚節悟行藏，
他日能相訪。嵩南舊草堂，不聞公姓。

終南雲際精舍尋法澄上人，不遇歸高
冠。東潭石淙望秦嶺，微雨作貽友人。

昨夜雲際宿旦從西峰回不見林中僧微雨潭
上來諸峰皆青翠秦嶺獨不開石鼓有時鳴秦
王安在哉東南雲開處突兀獼猴臺崖口懸瀑
流半空白皚皚噴壁四時雨傍村終日雷北瞻
長安道日夕生塵埃若訪張仲蔚衡門滿蒿萊
春遇南使貽趙知音 岑參

端居春心醉襟背思樹萱美人在南州爲爾歌
北門北風吹煙物戴勝鳴中園枯楊長新條芳

草滋舊根網絲結寶琴塵埃被空樽適遇江海
信聊與南客論

贈蘇明府

李頎

蘇君年幾許狀貌如玉童采藥傷梁宋共言隨
日翁常辭小縣宰一往東山東不復有家室悠
悠人世中子孫皆老死相識悲轉蓬髮白還更
黑身輕行若風汎然無所繫心與孤雲同出入
雖一杖安然知始終願聞素女事去采山花叢
誘我爲弟子逍遙尋葛洪

贈張旭

李頎

張公性嗜酒豁達無所營皓首窮草隸時稱太湖精露頂據胡牀長叫三五聲興來灑素壁揮筆如流星下舍風蕭條寒草滿戶庭問家何所有生事猶浮萍左手持蟹螯右手執丹經瞪目視霄漢不知醉與醒諸賓且方坐旭日臨東城荷葉裊江魚白甌貯香秬微祿心不屑放神於八紘時人不識者卽是安期生

自蜀奉冊命往朔方途中呈韋左相文

部房尚書門下崔侍郎

賈至

胡羯亂中夏鑿輿忽南巡衣冠陷戎寇狼狽隨風塵幽公秉大節臨難不顧身激昂白刃前濺血下沾巾尚書抱忠義歷險披荆榛扈從出劍門登翼岷江濱時望挹侍郎公才標縉紳亭亭崑山玉皎皎無緇磷顧惟乏經濟扞牧陪從臣永願雪會稽仗劍清咸秦太皇時內禪神器付嗣君新命集舊邦至德被遠人捧冊自南服奉詔趨北軍覲謁心載馳違離難重陳策馬出蜀

山畏途上緣雲飲啄叢箐間棲息虎豹羣崎嶇
凌危棧惴慄驚心神峭壁上嶽岑大江下法法
皇風扇八極異類懷深仁元兇誘黠虜肘腋生
妖氛明主信英武威聲赫四鄰普師自朔方旗
幟何續紛鐵騎照白日旄頭拂秋旻將來盪滄
溟寧止蹴崑崙古來有屯難否泰長相因夏康
纘禹績代祖復漢勲于役各勤王驅馳拱紫宸
豈惟太公望往昔逢周文誰謂三傑才功業獨
殊倫感此樹行邁無爲歌苦辛

贈裴九侍御昌江草堂彈琴 賈至

朔風吹疎林積雪在崖巘鳴琴草堂響小澗清
且淺沈吟東山意欲去芳歲晚悵望黃綺心白
雲若在眼

宿大通和尚塔敬贈如上人兼呈常孫

二山人

崔曙

支公已寂滅影塔山上古更有真僧來道場救
諸苦一承微妙法寓宿清淨土身心能自觀色
相了無取森森松映月漠漠雲近戶嶺外飛電

明夜來前山雨然燈見棲鴿作禮聞信鼓曉霽
南軒開秋華淨天宇願言出世塵謝爾申及甫
翰林讀書言懷呈集賢院內諸學士

李白

晨趨紫禁中夕待金門詔觀書散遺帙探古窮
至妙片言苟會心掩卷忽而笑青蠅易相點白
雪難同調本是踈散人屢貽福促謂雲天屬清
朗林壑憶遊眺或時清風來閑倚欄下嘯嚴光
桐廬谿謝客臨海嶠功成謝人君從此一投釣

經亂離後天恩流夜郎憶舊遊書懷贈

江夏韋太守良宰

李白

天上白玉京十二樓五城僊人撫我頂結髮受
長生誤逐世間樂頗窮理亂情九十六聖君浮
雲挂空名天地賭一擲未能忘戰爭試涉霸王
略將期軒冕榮時命乃大謬棄之海上行學劍
翻自哂爲文竟何成劍非萬人敵文竊四海聲
兒戲不足道五噫出西京臨當欲去時慷慨淚
沾纓歎君個儻才標舉冠群英開筵引祖帳慰

此遠徂征鞍馬若浮雲送余驃騎亭歌鐘不盡
意白日落昆明十月到幽州戈鋌若羅星君王
棄北海掃地借長鯨呼吸走百川燕然可摧傾
心知不得語却欲棲蓬瀛彎弧懼天狼挾矢不
敢張攬涕黃金臺呼天哭昭王無人貴駿骨駮
耳空騰驤樂毅儻再生于今亦奔亡蹉跎不得
意驅馬還貴鄉逢君聽絃歌肅穆坐華堂百里
獨太古陶然臥義皇徵樂昌樂館開筵列壺觴
賢豪間青娥對燭儼成行醉舞紛綺席清歌繞

飛梁歡娛未終朝秩滿歸咸陽祖道擁萬人供
帳遙相望一別隔千里榮枯異炎涼炎涼幾度
改九土中橫潰漢甲連胡兵沙塵暗雲海草木
搖殺氣星辰無光彩白骨成丘山蒼生竟何罪
函關壯帝居國命懸哥舒長戟三十萬開門納
兇渠公卿如犬羊忠讜醢與漚二聖出遊豫兩
京遂丘墟帝子許專征秉旄控強楚節制非桓
文軍師擁羆虎人心失去就賊勢騰風雨惟君
固房陵誠節冠終古僕臥香爐頂餐霞漱瑤泉

門開九江轉枕下五湖連半夜水軍來潯陽滿
旌旄空名適自誤迫脅上樓船徒賜五百金棄
之若浮煙辭官不受賞翻謫夜郎天夜郎萬里
道西上令人老掃蕩六合清仍爲負霜草日月
無偏照何由訴蒼昊良牧稱神明深仁恤交道
一忝青雲客三登黃鶴樓顧慙處士虛對鸚
鵡洲樊山霸氣盡寥落天地秋江帶峨眉雪橫
穿三峽流萬舸此中來連帆過揚州送此萬里
目曠然散我愁紗牕倚天開水樹綠如髮窺日

畏銜山促酒喜得月吳娃與越豔窈窕誇鉛紅
呼來上雲梯含笑出簾櫳對客小垂手羅衣舞
春風賓跪請休息主人情未極覽君荆山作江
鮑堪動色清水出芙蓉天然去雕飾逸興橫素
襟無時不招尋朱門擁虎士列戟何森森剪鑿
竹石開縈流漲清深登樓坐水閣吐論多英音
片辭貴白璧一諾輕黃金謂我不愧君青鳥問
丹心五色雲間鵲飛鳴天上來傳聞赦書至却
放夜郎迴煖氣變寒谷炎煙生灰灰君登鳳池

去忽棄賈生才，桀犬尚吠堯。匈奴笑于秋，中夜四五歎。常爲大國憂，旌旆夾兩山。黃河當中流，連雞不得進。飲馬空夷猶，安得羿善射。一箭落旄頭。

玉真公主別館苦雨贈衛尉張卿二首

李白

秋坐金張館，繁陰晝不開。空煙迷雨色，蕭颯望中來。翳翳昏墊苦，沈沈憂恨催。清秋何以慰，白酒盈吾杯。吟咏思管樂，此人已成灰。獨酌聊自

勉，誰貴經綸才。彈劍謝公子，無魚良可哀。

又

苦雨思白日，浮雲何由卷。稷卨和天人，陰陽仍驕蹇。秋霖劇倒井，昏霧橫絕巘。欲往咫尺塗，遂成山川限。滾滾奔瀕瀉，浩浩驚波轉。泥沙塞中途，牛馬不可辨。饑從漂母食，閑綴羽陵簡。園家逢秋蔬，藜藿不滿意。蠨蛸結思幽，蟋蟀傷福淺。厨竈無青煙，刀機生綠蘚。投筋解鷓鴣，換酒醉北堂。丹徒布衣者，慷慨未可量。何時黃金盤，一

金唐書卷三
檨薦檳榔功成拂衣去搖裔滄洲傍

書懷贈南陵常贊府

李白

歲星入漢年方朔見明主調笑當時人中天謝
雲雨一去麒麟閣遂將朝市乖故交不過門秋
草日上階當時何特達獨與我心諧置酒凌歊
臺歡娛未曾歇歌動白紵山舞迴天門月問我
心中事爲君前致辭君看我才能何似魯仲尼
大聖猶不遇小儒安足悲雲南五月中頻喪渡
瀘師毒草殺漢馬張兵奪秦旗至今西二河流

血擁僵屍將無七擒略魯女惜園葵咸陽天下
樞累歲人不足雖有數斗玉不如一盤粟賴得
契宰衡持鈞慰風俗自顧無所用辭家方未歸
霜驚壯士髮淚滿逐臣衣以此不安席蹉跎因
世違終當滅衛謗不受魯人譏

陳情贈友人

李白

延陵有寶劍價重千黃金觀風歷上國暗許故
人深歸來挂墳松萬古知其心懦夫感達節壯
氣激素衿鮑生薦夷吾一舉置齊相斯人無良

朋豈有青雲望臨財不苟取推分固辭讓後世
稱其賢英風邈難尚論文但若此友道孰云喪
多君騁逸藻掩映當時人舒文振頽波秉德冠
彝倫卜居乃此地其井爲比鄰清琴弄雲月美
酒娛冬春薄德中見捐忽之如遺塵英豪未豹
變自古多艱辛他人縱以踈君意宐獨親奈何
成離居相去復幾許飄風吹雲霓蔽目不得語
投珠冀有報按劍恐相拒所思采芳蘭欲贈隔
修渚沈憂心若醉積恨淚如雨願假東壁輝餘

光照貧女

書情贈蔡舍人雄

李白

嘗高謝太傅攜妓東山門楚舞醉碧雲吳歌斷
清猿暫因蒼生起談笑安黎元余亦愛此人丹
霄冀飛翻遭逢聖明主敢進興亡言娥眉積讒
妬魚目嗤璵璠白璧竟何辜青蠅遂成寃一朝
去京國十載客梁園猛犬吠九關殺人憤精魂
皇穹雪寃枉白日開昏氛太階得夔龍桃李滿
中原倒海索明月凌山采芳蓀愧無橫草功虛

負雨露恩跡謝雲臺閣心隨天馬轅天子王佐
才而今復誰論層飈振六翮不日思騰騫我縱
五湖棹煙濤恣崩奔夢釣子陵湍英芬緬猶存
彼希客星隱弱植不足援千里一回首萬里一
長歌黃鶴不復來清風奈愁何舟浮瀟湘月山
倒洞庭波投汨笑古人臨濠得天和閑時田畝
中搔背牧雞鵝別離解相訪應在武陵多

秋日鍊藥院鑷白髮贈元六兄林宗

李白

木落識歲秋瓶冰知天寒桂枝日已綠拂雪凌
雲端弱齡接光景矯翼攀鴻鸞投分三十載榮
枯同所歡長吁望青雲鑷白坐相看秋顏入曉
鏡壯髮凋危冠窮與鮑生賈饑從漂母餐時來
極天人道在豈吟歎樂毅方適趙蘇秦初說韓
卷舒固在我何事空擁殘

盛唐彙詩卷第十四

四唐彙詩八十四

新都 吳勉學 編輯

陸慶祥 校訂

五言古體

贈答

獄中上崔相渙

李白

胡馬渡洛水血流征戰場千門閉秋景萬姓危
朝霜賢相燮元氣再欣海縣康台庭有夔龍列
宿粲成行羽翼三元聖發輝兩太陽應念覆盆

下雪泣拜天光

繫潯陽上崔相渙

李白

毛遂不墮井曾參寧殺人
虛言誤公子投杼感
慈親白璧雙明月方知一玉真

贈張相鎬二首

李白

神器難竊弄天狼窺紫宸
六龍遷白日四海暗
胡塵吳穹降元宰君子方經綸
澹然養浩氣歛
起持天鈞秀骨象山嶽
英謀合鬼神佐漢解鴻
門興唐爲後身擁旄秉金鉞
伐鼓乘朱輪虎將

如雷電總戎向東巡
諸侯拜馬首猛士騎鯨鱗
澤被魚鳥悅令行草木春
逢聖不失時建功及
良辰醜虜安足紀可貽悃
與巾倒瀉溟海珠盡
爲入幕珍馮異獻赤伏
鄧生倏來臻庶同昆陽
舉再覩漢儀新管爲管將
鮑中奔吳隔秦一生
欲報主百代期榮親其事
竟不就哀哉難重陳
臥病古松滋蒼山空四鄰
風雲激壯志枯槁驚
常倫聞君自天來目張氣
益振亞夫得劇孟七
國空無人捫蝨對桓公
願得論悲辛大塊方噫

氣何辭鼓青蘋斯言儻不合歸老漢江濱

又

本家隴西人先爲漢邊將功略天地中名飛青
雲上苦戰竟不侯當年頗惆悵世傳崆峒勇氣
激金風壯英烈遺厥孫百代神猶王十五觀奇
書作賦凌相如龍顏惠殊寵麟閣憑天居晚途
未云已蹭蹬遭讒毀想像晉末時崩騰胡塵起
衣冠陷鋒鏑戎虜盈朝市石勒窺神州劉聰劫
天子撫劍夜吟嘯雄心日千里誓欲斬鯨鯢澄

清洛陽水六合灑霖雨萬物無彫枯我揮一杯
水自笑何區區因人恥成事貴欲決良圖滅虜
不言功飄然陟蓬壺惟有安期鳥畱之滄海隅

贈王漢陽

李白

天落白玉棺王喬辭葉縣一去未千年漢陽復
相見猶乘飛鳧鳥尚識仙人面鬢髮何青青童
顏皎如練吾曾弄海水清淺嗟三變果愜麻姑
言時光速流電與君數杯酒可以窮歡宴白雲
歸去來何事坐交戰

贈瑕丘王少府

李白

皎皎鸞鳳姿飄飄神仙氣
梅生亦何事來作南昌尉
清風佐鳴琴寂寞道爲貴
一見過所聞操持難與羣
毫揮魯邑訟目送瀛洲雲
我隱屠釣下爾當玉石分
無由接高論空此仰清芬

贈韋秘書子春

李白

谷口鄭子真躬耕在巖口
高名動京師天下皆籍籍
斯文竟不起雲臥從所適
苟無濟代心獨善亦何益
惟君家世者偃息逢休明
談天信浩

蕩說劍紛縱橫謝公不徒然
起來爲蒼生秘書何寂寂
無乃羈豪英且復歸碧山
安能戀金闕舊宅樵漁地
蓬蒿已應沒却顧女兒峰
胡顏見雲月徒爲風塵苦
一官已白髮氣同萬里合
訪我來瓊都披雲覩青天
捫蝨話良圖畱侯將綺季
出處未云殊終與安社稷
功成去五湖

贈韋侍御黃裳二首

李白

太華生長松亭亭凌霜雪
天與百尺高豈爲微颺折
桃李賣搖豔路人行且迷
春光掃地盡碧

葉成黃泥願君學長松慎勿作桃李受屈不改
心然後知君子

又

見君乘驄馬知上太山道此地果摧輪全身以
爲寶我如豐年玉葉置秋田草但勗冰壺心無
爲歎衰老

贈何七判官昌浩

李白

有時忽惆悵匡坐至夜分平明空嘯咤思欲解
世紛心隨長風去吹散萬里雲羞作濟南生九

十誦古文不然拂劍起沙漠收奇勲老死田陌
間何因揚清芬夫子今管樂英才冠三軍終與
同出處豈將沮溺群

贈崔侍郎

李白

黃河二尺鯉本在孟津居點額不成龍歸來伴
凡魚故人東海客一見借吹噓風濤儻相因更
欲凌崑墟

贈饒陽張司戶燧

李白

朝飲蒼梧泉夕棲蒼海煙寧知鸞鳳意遠託椅

金唐書詩 卷之四
五
桐前慕蘭豈曩古攀稽是當年愧非黃石老安
識子房賢功業嗟落日容華棄徂川一語已道
意三山期着鞭蹉跎人間世寥落壺中天獨見
遊物祖探元窮化先何當共攜手相與排冥筌

贈崔郎中宗之

李白

胡鴈拂海翼翱翔鳴素秋驚雲辭沙朔飄薄迷
河洲有如飛蓬人去逐萬里遊登高望浮雲彷彿如舊丘日從海傍沒水向天邊流長嘯倚孤劍目極心悠悠歲晏歸去來富貴安所求仲尼

七十說歷聘莫見收魯連逃千金珪組豈可酬
時哉苟不會草木爲我儔希君同攜手長往南山幽

贈崔諮議

李白

騷驥本天馬素非伏櫪駒長嘶向清風倏忽凌
九區何言西北至却走東南隅世道有翻覆前期難預圖希君一剪拂猶可騁中衢

贈裴司馬

李白

翡翠黃金縷繡成歌舞衣若無雲間月誰可比

光輝秀色一如此多爲衆女譏君恩移昔愛失
寵秋風歸愁苦不窺鄰泣上流黃機天寒素手
冷夜長燭復微十日不滿匹鬢蓬亂若絲猶是
可憐人容華世中稀向君發皓齒顧我莫相違

贈崔司戶文昆季

李白

雙珠出海底俱是連城珍明月兩特達餘輝傍
照人英聲振名都高價動殊鄰豈伊箕山故特
以風期親惟昔不自媒擔簦西入秦攀龍九天
上別忝歲星臣布衣侍丹墀密勿草絲綸才微

惠渥重讒巧生緇磷一去已十年今來復盈旬
清霜入曉鬢白露生衣巾側見淶水亭開門列
華茵千金散義士四坐無凡賓欲折月中桂持
爲寒者薪路傍已竊笑天路將何因垂恩儻丘
山報德有微身

贈溧陽宋少府

李白

李斯未相秦且逐東門兔宋玉事襄王能爲高
唐賦常聞淶水曲忽此相逢遇掃灑青天開豁
然披雲霧葳蕤紫鸞鳥巢在崑山樹驚風西北

吹飛落南溟去早懷經濟策特受龍顏顧白玉
棲青蠅君臣忽行路人生感分義貴欲呈丹素
何日清中原相期廓天步

戲贈鄭溧陽

李白

陶令日日醉不知五柳春素琴本無絃漉酒用
葛巾清風北牕下自謂義皇人何時到栗里一
見平生親

贈秋浦柳少府

李白

秋浦舊蕭索公庭人吏稀因君樹桃李此地忽

芳菲搖筆望白雲開簾當翠微時來引山月縱
酒酣清暉而我愛夫子淹留未忍歸

贈宣城趙太守悅

李白

趙得寶符盛山河功業存三千堂上客出入擁
平原六國揚清風英聲何喧喧大賢茂遠業虎
竹光南藩錯落千丈松虯龍盤古根枝下無俗
草所植唯蘭蓀憶在南陽時始承國士恩公爲
柱下史脫繡歸田園伊昔簪白筆幽都逐遊塊
持斧冠三軍霜清天北門差池宰兩邑鶚立重

金屋藏書
卷十四
飛翻焚香入蘭臺起草多方言夔龍一顧重矯
翼凌翔鶴赤縣揚雷聲疆項聞至尊驚飈摧秀
木跡屈道彌敦出牧歷三郡所居猛獸奔遷人
同衛鶴謬上懿公軒自笑東郭履側慙狐白溫
閒吟步竹石精義忘朝昏顛悴成醜士風雲何
足論獼猴騎土牛羸馬夾雙轅願借羲皇景爲
人照覆盆溟海不震蕩何由縱鵬鷗所期要津
日倜儻假騰騫

贈宣城宇文太守兼呈崔侍御

李白

白若白鷺鮮清如清唳蟬受氣有本性不爲外
物遷飲水箕山上食雪首陽巔迴車避朝歌掩
口去盜泉岩堯廣成子倜儻魯仲連卓絕二公
外丹心無間然昔攀六龍飛今作百鍊鉛懷恩
欲報主投佩向北燕彎弓綠弦開滿月不憚堅
閒騎駿馬獵一射兩虎穿迴旋若流光轉背落
雙鳶胡虜三歎息兼知五兵權鎗鎗突雲將却
掩我之妍多逢勦絕兒生着祖生鞭據鞍空矍

鑠壯志竟誰宣蹉跎復來歸憂恨坐相煎無風
難破浪失計長江邊危苦惜頽光金波忽三圓
時遊敬亭上閒聽松風眠或弄宛谿月虛舟信
洄沿顏公二十萬盡付酒家錢興發每取之聊
向醉中仙過此無一事靜談秋水篇君從九卿
來水國有豐年魚鹽滿市井布帛如雲煙下馬
不作威冰壺照清川霜眉邑中叟皆美太守賢
時時慰風俗往往出東田竹馬數小兒拜迎白
鹿前含笑問使君日晚可迴旋還歸池上酌掩

抑清風絃曾標橫浮雲下撫謝眺肩樓高碧海
出樹古青蘿懸光祿紫霞杯伊昔忝相傳良圖
掃沙漠別夢繞旌旃富貴日成疎願言杳無緣
登龍有直道倚玉阻芳筵敢獻繞朝策思同郭
泰船何言一水淺似隔九重天崔生何傲岸縱
酒復談玄身為名公子英才苦迤邐鳴鳳托高
梧凌風何翩翩安知慕群客彈劍拂秋蓮

贈盧司戶

李白

秋色無遠近出門盡寒山白雲遙相識待我蒼

梧間借問盧耽鶴西飛幾歲還

贈劉都使

李白

東平劉公幹南國秀餘芳一鳴卽朱紱五十佩
銀章飲水事戎幕衣錦華水鄉銅官幾萬人諍
訟清玉堂吐言貴珠玉落筆迴風霜而我謝明
主銜哀投夜郎歸家酒債多門客粲成行高談
滿四座一日傾千觴所求竟無緒裘馬欲摧藏
主人若不顧明發釣滄浪

贈常侍御

李白

安石在東山無心濟天下一起振橫流功成復
瀟灑大賢有卷舒季葉輕風雅匡復屬何人君
爲知音者傳聞武安將氣振長平瓦燕趙期洗
清周秦保宗社登朝若有言爲訪南遷賈

獻從叔當塗宰陽冰

李白

金鏡霾六國亡新亂天經焉知高光起自有羽
翼生蕭曹安峴岬耿賈摧欖槍吾家有季父傑
出聖代英雖無三台位不借四豪名激昂風雲
氣終協龍虎精弱冠燕趙來賢彥多逢迎魯連

善談笑季布折公卿遙知禮數絕常恐不合并
惕想結宵夢素心久已冥顧慙青雲器謬奉玉
樽傾山陽五百年綠水忽再榮高歌振林木大
笑喧雷霆落筆灑篆文崩雲使人驚吐辭又炳
煥五色羅華星秀句滿江國高才挾天庭宰邑
艱難時浮雲空古城居人若薙草掃地無纖莖
惠澤及飛走農夫盡歸耕廣漢水萬里長流玉
琴聲雅頌播吳越還如太階平小子別金陵來
時白下亭群鳳憐客鳥差池相哀鳴各拔五色

毛意重太山輕贈微所費廣斗水澆長鯨彈劍
歌苦寒嚴風起前楹月銜天門曉霜落牛渚清
長歎卽歸路臨川空屏營

贈清漳明府姪聿

李白

我李百萬葉柯條布中州天開青雲器日爲蒼
生憂小邑且割雞大刀佇烹牛雷聲動四境惠
與清漳流絃歌詠唐堯脫落隱簪組心和得天
真風俗猶太古牛羊散阡陌夜寢不扃戶問此
何以然賢人宰吾土舉邑樹桃李垂陰亦流芬

河堤繞綠水桑柘連青雲趙女不治容提籠晝
成群繰絲鳴機杼百里聲相聞訟息鳥下階高
臥披道帙蒲鞭挂簷枝示恥無撲扶琴清月當
戶人寂風入室長嘯無一言陶然上皇逸白玉
壺冰水壺中見底清清光洞毫髮皎潔照群情
趙北美佳政燕南播高名過客鑒行謠因之頌
德聲

贈從孫義興宰銘

李白

天子思茂宰天枝得英才朗然清秋月獨出映

吳臺落筆生綺繡操刀振風雷蠖屈雖百里鵬
騫望三台邊食無外事琴堂向山開綠水寂以
閑白雲有時來河陽富奇藻彭澤縱名杯所恨
不見之猶如仰昭回元惡昔滔天疲人散幽草
驚川無活鱗舉邑罕遺老誓雪會稽恥將奔宛
陵道亞相素所重投刃應桑林獨坐傷激揚神
融一開襟絃歌欣再理和樂醉人心蠹政除害
馬傾巢有歸禽壺漿候君來聚舞共謳吟農夫
棄筭笠蠶女墮纓簪歡笑相拜賀則知惠愛深

歷職吾所聞稱賢爾爲最化洽一邦上名馳三
江外峻節貫雲霄通方堪遠大能文變風俗好
客畱軒蓋他日一來遊因之嚴光瀨

贈從弟冽

李白

楚人不識鳳重價求山雞獻主昔云是今來方
覺迷自居漆園北久別咸陽西風飄落日去節
變流鶯啼桃李寒未開幽關豈來蹊逢君發花
萼若與青雲齊及此桑葉綠春蠶起中閨日出
撥轂鳴田家擁鋤犁顧余乏尺土東作誰相攜

傳說霖雨公輔造雲梯羌戎事未息君子悲
塗泥報國有長策成功羞執珪無由謁明主杖
策還蓬萊他年爾相訪知我在磻谿

贈從弟宣州長史昭

李白

淮南望江南千里碧山對我行倦過之半落青
天外宗英佐雄郡水陸相控帶長川谿中流千
里瀉吳會君心亦如此包納無小大搖筆起風
霜推誠結仁愛訟庭垂桃李賓館羅軒蓋何意
蒼梧雲飄然忽相會才將聖不偶命與時俱背

獨立山海間空老聖明代知音不易得撫劍增
感慨當結九萬期中途莫先退

贈從弟南平太守之遙

李白

東平與南平今古兩步兵素心愛美酒不是顧
專城謫官桃源去尋花幾處行秦人如舊識出
戶笑相迎

贈從兄襄陽少府皓

李白

結髮未識事所交盡豪雄却秦不受賞救趙寧
為功託身白刃裏殺人紅塵中當朝揖高義舉

世欽英風小節豈足言邊耕春陵東歸來無產
業生事如轉蓬一朝烏裘敝百鎰黃金空彈劍
徒激昂出門悲路窮吾兄青雲士然諾聞諸公
所以陳片言片言貴情通棣華儻不接甘與秋
草同

贈臨洛縣令浩弟

時被訟
停官

李白

陶令去彭澤茫然元古心大音自成曲但奏無
絃琴釣水路非遠連鰲意何深終期龍伯國與
余相招尋

贈新平一作豐少年

李白

韓信在淮陰少年相欺凌屈體若無骨壯心有
所憑一遭龍顏君嘯咤從此與千金答漂母萬
古共嗟稱而我竟何為寒苦坐相仍長風入短
袂兩手如懷冰故友不相恤新交寧見矜摧殘
檻中虎羈縲上鷹何時騰風雲搏擊申所能
明主訪賢逸雲泉今已空二盧竟不起萬乘高
其風河上喜相得壺中趣每同滄洲卽此地觀

贈盧徵君昆弟只青雲士也李白

化游無窮水落海上青鰲背覩方蓬與君弄倒
景攜手凌星虹

鄴中贈王大

今本題作鄴中王大勸
入高鳳石門山幽居

李白

一身竟無託遠與孤蓬征千里失所依復將落
葉并中途偶良朋問我將何行欲獻濟時策此
心誰見明君王制六合海塞無交兵壯士伏草
間沈憂亂縱橫飄飄不得意昨發南都城紫燕
櫪下嘶青萍匣中鳴投軀寄天下長嘯尋豪英

恥學瑯琊人龍蟠事躬耕富貴吾自取建功及
春榮我願執爾手爾方達我情相知同一已豈
惟弟與兄抱子弄白雲琴歌發清聲臨別意難
盡各希存令名

早秋贈裴十七仲堪

李白

遠海動風色吹秋落天涯南星變大火熱氣餘
丹霞光景不可迴六龍轉天車荆人泣美玉魯
叟悲匏瓜功業若夢中推琴發長嗟裴生信英
邁崛起多才華歷抵海岱豪結交魯朱家良圖

竟未展意欲飛丹砂破產且救人遺身不爲家
復攜兩少妾豔色驚荷花雙歌入青雲但惜白
日斜窮溟出寶貝大澤饒龍蛇明主儻見收煙
霄路非賒知飛萬里道勿使歲寒嗟

盛唐彙詩卷第十四

四唐彙詩八十一

香韻非銀味淡萬里直

日檢寶與出寶貝大

盛唐彙詩卷第十五

四唐彙詩八十五

新都 吳勉學 編輯

江晏如 校訂

五言古體

贈答

贈友人三首

李白

蘭生不當戶別是閒庭草
夙被霜露欺紅榮已
先老謬接瑤華枝結根君
王池顧無馨香美叨
沐清風吹餘芳若可佩
卒歲長相隨

袖中趙七首買自徐夫人玉匣閉霜雪經燕復
歷秦其事竟不捷淪落歸沙塵持此願投贈與
君同急難荆卿一去後壯士多摧殘長號易水
上爲我揚波瀾鑿井當及泉張帆當濟川廉夫
唯重義駿馬不勞鞭人生貴相知何必金與錢

又

慢世薄功業非無習中畫詭浪萬古賢以爲兒
童劇立產如廣費匡君懷長策但苦山北寒誰

知道南宅歲酒上逐風霜鬢兩邊白蜀主思孔
明晉家望安石時人列五鼎談笑期一擲虎伏
被胡塵漁歌遊海濱弊裘耻妻嫂長劔托交親
夫子秉家義羣公難與鄰莫持西江水空許東
溟臣他日青雲去黃金報主人

贈范金卿二首

李白

君子枉清盼不知東走迷離家未幾月絡緯鳴
中閨桃李君不言攀花願成蹊那能吐芳信惠
好相招攜我有結綠珍久藏濁水泥時人棄此

物乃與燕珉齊撫拭欲贈之申眉路無梯遼東
慙白豕楚客羞山雞徒有獻芹心終流泣玉啼
祗應自索漠留舌示山妻

又

范宰不買名絃歌對前楹爲邦默自化日覺冰
壺清百里雞犬靜千廬機杼鳴浮人少蕩析愛
客多逢迎遊子覩嘉政因之聽頌聲

贈徐安宜

李白

白田見楚老歌詠徐安宜製錦不擇地操刀良

在茲清風動百里惠化聞京師浮人若雲歸耕
種滿郊岐川光淨麥隴日色明桑枝訟息但長
嘯賓來或解頤青槐拂戶牖碧水流園池遊子
滯安邑懷恩未忍辭繁君樹桃李歲晚託深期

贈閻丘宿松

李白

阮籍爲太守乘驢上東平剖竹十日間一朝風
化清偶來拂衣去誰測主人情夫子理宿松浮
雲知古城掃地物莽然秋來百草生飛鳥還舊
巢遷人返躬耕何慙宓子賤不減陶淵明吾知

千載後却掩二賢名

贈武十七諤

并序

李白

門人武諤深於義者也質木沈悍慕要離之
風潛釣江海不數數於世間事聞中原作難
西來訪余余愛子伯禽在魯許將冒胡兵以
致之酒酣感激援筆而贈

馬如一匹練明日過吳門乃是要離客西來欲
報恩笑開燕七首拂拭竟無言狄犬吠清洛天
津成塞垣愛子隔東魯空悲斷腸猿林回棄白

壁千里阻同奔君為我致之輕齋涉淮源精誠
合天道不愧鄧攸魂

讀諸葛武侯傳懷贈長安崔少府叔封

昆季

李白

漢道昔云季羣雄方戰爭霸圖各未立割據資
豪英赤伏起頽運卧龍得孔明當其南陽時隴
畝躬自耕魚水三顧合風雲四海生武侯立岷
蜀壯志吞咸京何人先見許但有崔州平余亦
草間士頗懷拯物情晚途值子玉華髮同衰榮

託意在經濟結交爲弟兄毋令管與鮑千載獨
知名

憶襄陽舊遊贈濟陰馬少府巨

李白

昔爲大堤客曾上山公樓開窓碧嶂滿拂鏡滄
江流高冠佩雄劍長揖韓荊州此地別夫子今
來思舊遊朱顏君未老白髮我先秋壯志恐蹉
跎功名若雲浮歸心結遠夢落日懸春愁空思
羊叔子墮淚峴山頭

訪道安陵遇蓋還爲余造真籙臨別留

贈

李白

清水見白石仙人識青童安陵蓋夫子十歲與
天通懸河與微言談論安可窮能令二千石撫
背驚神聰揮毫贈新詩高價掩山東至今平原
客感激慕清風學道北海仙傳書藥珠宮丹田
了玉闕白日思雲空爲我草真籙天人慙妙工
七元洞豁落八角輝星虹三災蕩璿璣蛟龍翼
微躬舉手謝天地虛無齊始終黃金獻高堂苔

荷難克充下笑世上士沈魂北羅鄩昔日萬乘
墳今成一科蓬贈言若可重實此輕華嵩

叙舊贈江陽宰陸調

李白

太伯讓天下仲雍揚波濤清風蕩萬古跡與星
辰高開吳食東溟陸氏世英髦夫子特峻秀岳
立冠人曹風流少年時京洛事遊遨驂驪紅陽
燕玉劔明珠袍一諾許他人千金雙錯刀滿堂
青雲士望美期丹青我昔北門厄摧如一枝蒿
有虎挾雞徒連延五陵豪邀遮來組織呵嚇相

煎熬君披萬人叢脫我如狷牢此耻竟未刷且
食綏山桃非天雨文章所祖託風騷蒼蓬老壯
髮長策未逢遭別君幾何時君無相思否鳴琴
坐高樓淥水淨牕牖政成聞雅頌人吏皆拱手
投刃有餘地迴車攝江陽錯雜非易理先威挫
豪強城門何肅穆五月飛秋霜好鳥集珍木高
才列華堂時從府中歸絲管儼成行但苦隔遠
道無由共銜觴江北荷花開江南楊梅鮮挂席
拾海月乘風下長川多沽新豐醪滿載剡谿船

中途不遇人直到爾門前大笑同一醉取樂平生年

登敬亭山南望懷古贈竇主簿

李白

敬亭一迴首目盡天南端仙者五六月常聞此
遊盤谿流琴高水石聳麻姑壇白龍降陵陽黃
鶴呼子安羽化騎日月雲行翼鵷鸞下視宇宙
間四溟空波瀾決絕目下事從之復何難百歲
落半途前期浩漫漫強食不成味清晨起長歎

願隨子明去鍊火燒金丹

遊溧陽北湖亭望瓦屋山懷古贈同旅

李白

朝登北湖亭遙望瓦屋山天清白露下始覺秋
風還遊子託主人仰觀肩睫間目色送飛鴻邈
然不可攀長吁相勸勉何事來吳關聞有貞義
女振窮溧水灣清光了在眼白日如披顏高墳
五六墩萃兀棲猛虎遺跡翳九泉芳名動千古
子胥昔乞食此女傾壺漿運開展宿憤入楚鞭

平王凜冽天地間聞名若懷霜壯士或未達十
步九太行與君拂衣去萬里同翱翔

在水軍宴贈幕府諸侍御 李白

月化五白龍翻飛凌九天胡沙驚北海電掃洛
陽川虜箭雨宮闕皇輿成播遷英王受廟略乘
越清南邊雲旗卷海雪金戟羅江煙聚散百萬
人弛張在一賢霜臺降羣彥水國奉戎旃繡服
開宴語天人借樓船如登黃金臺遙謁紫霞仙
卷身編蓬下冥機四十年寧知草間人腰下有

龍泉浮雲在一決誓欲清幽燕願與四座公靜
談金匱篇齊心戴朝恩不惜微軀捐所冀旄頭
滅功成追魯連

於五松山贈南陵常贊府 李白

爲草當作蘭爲木當作松蘭秋香風遠松寒不
改容松蘭相因依蕭艾徒丰茸雞與雞並食鸞
與鸞同枝揀珠去沙礫但有珠相隨遠客投名
賢真堪寫懷抱若惜方寸心待誰可傾倒虞卿
棄趙相便與魏齊行海上五百人同日歿田橫

當時不好賢豈傳千古名願君同心人於我少
畱情寂寂還寂寂出門迷所適長鋏歸來乎秋
風思歸客

自梁園至敬亭山見會公談陵陽山水

兼期同遊因有此贈

李白

我隨秋風來瑤草恐衰歇中途寡名山安得弄
雲月渡江如昨日黃葉向人飛敬亭愜素尚弭
棹流清輝冰谷明且秀陵巒抱江城粲粲吳與
史衣冠耀天京水國饒英奇潛光臥幽草會公

真名僧所在卽爲寶開堂振白拂高論橫青雲
雪山掃粉壁墨客多新文爲余話幽棲且述陵
陽美天開白龍潭月映清秋水黃山望石柱突
兀誰開張黃鶴久不來子安在蒼茫東南焉可
窮山鳥飛絕處稠疊千萬峰相連入雲去聞此
期振策歸來空閉關相思如明月可望不可攀
何當移白足早晚凌蒼山且寄一書札令予解
愁顏

淮海對雪贈傅靄

李白

朔雪落吳天從風渡溟渤海樹成陽江春沙皓
明月飄颻四荒外想像千花發瑤草生階墀玉
塵散庭闕刻谿興空在郢路歌未歇寄君梁父
吟曲盡心斷絕

流夜郎半道承恩放還兼欣尅復之美
書懷示息秀才

黃口爲人羅白龍乃魚服得罪豈怨天以愚陷
綱目鯨鯢未剪滅豺狼屢翻覆悲作楚地囚何
由秦庭哭遭逢二明主前後兩遷逐去國愁夜

郎投身竄荒谷半道雪屯蒙曠如鳥出籠遙欣
尅復美光武安可同天子巡劔閣儲皇守扶風
揚袂正北辰開襟攬羣雄胡兵出月窟雷破關
之東左掃因右拂旋收洛陽宮迴輿入咸京席
卷六合通叱咤開帝業手成天地功大駕還長
安兩目忽再中一朝讓寶位劔墜傳無窮愧無
秋毫力誰念鬢鏢翁弋者何所慕高飛仰冥鴻
棄劔學丹砂臨爐雙玉童寄言息夫子歲晚陟
方蓬

經亂後將避地剡中留贈崔宣城

雙鵝飛落陽五馬渡江徼何意上東門胡雛更
長嘯中原走豺虎烈火焚宗廟太白晝經天顏
陽掩餘照王城皆蕩覆世路成奔峭四海望長
安頰眉寡西笑蒼生疑落葉白骨空相吊連兵
似雪山破敵誰能料我垂白溟翼且學南山豹
崔子賢主人歡娛每相召胡牀紫玉笛却坐青
雲叫楊花滿州城置酒同臨眺忽思剡谿去水

石遠清妙雪晝天地明風開湖山貌悶爲洛生
詠醉發吳越調赤霞動金光日足森海嶠獨散
萬古意閑垂一谿釣猿近天上啼人移月邊棹
無以墨綬苦來求丹砂要華髮長折腰將貽陶
公誚

贈王判官時余歸隱居廬山屏風疊

李白

昔別黃鶴樓蹉跎淮海秋俱飄零落葉各散洞
庭流中年不相見蹭蹬遊吳越何處我思君天

台綠蘿月會稽風月好却遶剡谿迴雲山海上
出人物鏡中來一度浙江北十年醉楚臺荆門
倒屈宋梁苑傾鄒枚若笑我誇誕知音安在哉
大盜割鴻溝如風掃秋葉吾非濟代人且隱屏
風壘中夜天中望憶君思見君明朝拂衣去永
與海鷗羣

贈歷陽褚司馬時此公爲稚子舞故作

是詩

李白

北堂千萬壽侍奉有光輝先同稚子舞更着老

萊衣因爲小兒啼醉倒月下歸人間無此樂此
樂世中稀

醉後贈王歷陽

李白

書禿千兔毫詩裁兩牛腰筆蹤起龍虎舞袖拂
雲霄雙歌二胡姬更奏遠清朝舉酒挑朔雪從
君不相饒

贈丹陽橫山周處士惟長 李白

周子橫山隱開門臨城隅連峰入戶牖勝槩凌
方壺時作白紵詞放歌丹陽湖水色傲溟渤川

光秀菰蒲當其得意時心與天壤俱閑雲隨卷
舒安識身有無抱石恥獻玉沈泉笑探珠羽化
如可作相攜上清都

贈張公洲革處士

李白

列子居鄭圃不將衆庶分革疾遁南浦常恐楚
人聞抱甕灌秋蔬心閑遊天雲每將瓜田叟耕
種漢水濱時登張公洲入獸不亂羣井無桔槔
事門絕刺繡文長揖二千石遠辭百里君斯爲
真隱者吾黨慕清芬

贈閻丘處士

李白

賢人有素業乃在沙塘陂竹影掃秋月荷花落
古池閑讀山海經散帙臥遙帷且耽田家樂遂
曠林中期野酌勸芳酒園蔬烹露葵如能樹桃
李爲我結茅茨

草創大還贈柳官迪

李白

天地爲橐籥周流行太易造化合元符交媾騰
精魄自然成妙用孰知其指的羅絡四季間絲
微無一隙日月更出沒雙光豈云隻姹女乘河

車黃金充轅軛執樞相管轄摧伏傷羽翮朱鳥
張炎威白虎守本宅相煎成苦老銷鑠凝津液
髣髴明窓塵歿灰同至寂鑄冶入赤色十二周
律曆赫然稱大還與道本無隔白日可撫弄清
都在咫尺北艷落死名南斗上生籍抑予是何
者身在士方格才術信縱橫世途自輕擲吾求
仙棄俗君曉損勝益不向金闕遊思爲玉皇客
鸞車速風電龍騎無鞭策一舉上九天相攜同
所適

贈參寥子

李白

白鶴飛天書南荆訪高士五雲在峴山果得參
寥子骯髒辭故園昂藏入君門天子分玉帛百
官接話言毫墨時灑落探玄有奇作著論窮天
人千春秘麟閣長揖不受官拂衣歸林巒余亦
去金馬藤蘿同所歡相思在何處桂樹青雲端

贈嵩山焦鍊師

并序

李白

嵩丘有神人焦鍊師者不知何許婦人也又
云生於齊梁時其年貌可稱五六十常胎息

絕穀居少室廬遊行若飛倏忽萬里世或傳
其入東海登蓬萊竟莫能測其往也余訪道
少室盡登三十六峰聞風有寄灑翰遙贈
二室凌青天三花含紫煙中有蓬海客宛疑麻
姑仙道在喧莫染跡高想已縣時餐金鵝藥屢
讀青苔篇八極恣遊憩九垓長周旋下瓢酌潁
水舞鶴來伊川還歸空山上獨拂秋霞眠蘿月
掛朝鏡松風鳴夜絃潛光隱嵩嶽鍊魄棲雲幄
霓裳何飄颻鳳吹轉緜邈願同西王母下顧東

方朔紫書儻可傳冥骨誓相學

贈僧崖公

李白

昔在朗陵東學禪白眉空大地了鏡徹迴旋寄
輪風攬彼造化力持爲我神通晚謁太山君親
見日沒雲中夜臥山月拂衣迷人羣授余金仙
道曠劫未始聞冥機發天光獨朗謝垢氛虛舟
不繫物觀化遊江濱江濱遇同聲道崖乃僧英
說法動海嶽遊方化公卿手秉玉塵尾如登白
樓亭微言注百川疊疊信可聽一風鼓羣有萬

籟各自鳴啓閉七牕牖託宿掣電霆自言歷天
台搏壁躡翠屏凌競石橋去恍惚入青冥昔往
今來歸絕景無不經何日更攜手乘杯向蓬瀛
登梅岡望金陵贈族姪亭座寺僧中孚
鍾山抱金陵霸氣昔騰發天開帝王居海色照
宮闕羣峰如逐鹿奔走相馳突江水九道來雲
端遙明沒時遷大運去龍虎勢休歇我來屬天
青登覽窮楚越吾宗挺禪伯特秀鸞鳳骨衆星

李白

羅青天明者獨有月冥居順生理草木不翦伐
煙牕引薔薇石壁老野蕨吳風謝安屐白足傲
履襪幾宿一下山蕭然忘千謁談經演金偈降
鶴舞海雪時聞天香來了與世事絕佳遊不可
得春風惜遠別賦詩畱巖屏千載庶不滅

贈宣州靈源寺仲濬公

李白

敬亭白雲氣秀色連蒼梧下映雙谿水如天落
鏡湖此中積龍象獨許濬公殊風韻逸江左文
章動海隅觀心同水月解領得明珠今日逢支

遁高談出有無
同木月神吟
與來今日數文
贈僧行融
梁日湯惠休常從鮑照遊
峨眉史懷一獨映陳
公出卓絕二道人
結交鳳與麟
行融亦俊發
吾知有英骨
海若不隱珠
驪龍吐明月
大海乘虛舟
隨波任安流
賦詩旃檀閣
縱酒鸚鵡洲
待我適東越
相攜上白樓

贈僧朝美

李白

水客凌洪波
長鯨湧溟海
北川隨龍舟
噓吸竟

安在中有不死者
探得明月珠
高價傾宇宙
餘輝照江湖
苞卷金縷褐
蕭然若空無
誰人識此寶
竊笑有狂夫
了心何言說
各勉黃金軀

登巴陵開元寺西閣贈衡嶽僧方外

李白

衡嶽有開士
五峰秀真骨
見君萬里心
海水照秋月
大臣南溟去
問道皆請謁
灑以甘露言
清涼潤肌髮
明湖落天鏡
香閣步銀闕
登眺餐惠風
新花期啓發

贈黃山胡公求白鷗

并序

李白

聞黃山胡公有雙白鷗蓋是家雞所伏自小
馴狎了無驚猜以其名呼之皆就掌取食然
此鳥耿介尤難畜之余平生酷好竟莫能致
而胡公輟贈於我唯求一詩聞之欣然適會
宿意因援筆三叫文不加點以贈之

請以雙白璧買君雙白鷗白鷗白如錦白雪耻
容顏照影玉潭裏刷毛琪樹間夜棲寒月靜朝
步落花閑我願得此鳥翫之坐碧山胡公能輟

贈籠寄野人還

盛唐彙詩卷第十五

四唐彙詩八十五

五言古體 贈答

益州與南蠻蠻夷十五

曰武備精入十五

益州與南蠻蠻夷十五

曰武備精入十五



而胡公校職公

宿意固發筆工

藏書印

藏書印



